

Vlada Kantona Sarajevo  
Kantona Sarajevo  
Reisa Džemaludina Čauševića 1  
Sarajevo

Sindikata radnika u zdravstvu u  
Kantonu Sarajevo  
Obala Kulina bana 1  
Sarajevo

**Komisija za tumačenje  
Kolektivnog ugovora o pravima i obavezama poslodavaca i radnika  
u oblasti zdravstva za područje Kantona Sarajevo**

Broj: 19/26  
Sarajevo, 19.01.2026. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva JU Opća bolnica „Prim. dr Abdulah Nakaš“ broj: 01-5863/25 od 17.12.2025. godine kojim se traži tumačenje člana 46., a u vezi sa članom 62. stav (11) Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na drugom nastavku 1. sjednice održanom 19.01.2026. godine donosi

**ODLUKU**

**Član 1.**

Utvrđuje se tumačenje odredbe člana 46., a u vezi sa članom 62. stav (11) Kolektivnog ugovora, kako slijedi:

Sindikalni predstavnici na bilo kojem nivou sindikalnog organizovanja, imaju pravo na plaćeno odsustvo od 2 sata dnevno za sindikalno djelovanje na nivou Kantona Sarajevo, odnosno od 1,5 sati za sindikalno djelovanje na nivou poslodavca. Svrha plaćenog odsustva za sindikalno djelovanje jeste obavljanje sindikalnih aktivnosti i učešće u socijalnom dijalogu radi zaštite socioekonomskog položaja radnika kod poslodavca i u oblasti zdravstva u Kantonu Sarajevo, a ne ostvarivanje lične koristi sindikalnog predstavnika. S obzirom na to da sindikalni predstavnici za vremenene korištenja plaćenog odsustva po ovom osnovu obavljaju aktivnosti u interesu radnika, ne umanjuje im se pravo na naknadu za topli obrok, te im se ista isplaćuje u punom iznosu.

**Član 2.**

Ova odluka će se dostaviti podnositelju zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

**Član 3.**

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo

Ivona Islamagić  
Nina Delalić  
Nedžad Meheljić  
Sanela Malićević  
Jasmin Avdović  
Senad Sadiković

